

Il schi agonistic praticat dai atletis cun disabilities mentals al merete ad in plen un puest tes Paralimpiadis che a saran inmaneadis a Soci, in Russia, tal 2014. Ducj chei che a an podût assistì ai campionâts mondiâi Inas-Fid, celebrâts dai 2 ai 6 di Fevrâr in France, su lis monts di Lans en Vercors (te region di Grenoble), a son tornâts tai siei paîs cun cheste convinzion. E fra di lôr, chel plui convint di ducj, tant come referent dai tecnics di schi alpin Fis-Dir (Federazion taliane sport disability intelteive relazionâl) che come diretôr tecnic pal schi alpin Inas-Fid (International sports federation for persons with intellectual disability), al è Riccardo De Infanti di Ravasclêt. In plui di guidâ la scuadre taliane, indulâ che si son ben puartâts i atletis regionai Caterina Plet di Dael e Luigino Butazzoni di Davâr, De Infanti al à vût il compit di disegnar i percors di gare e di coordinâ il lavôr dai delegâts tecnics. Cun lui o tirin un belanç de manifestazion.



Foto di grup su lis monts di Lans en Vercors in France

Un altri pas viers lis Paralimpiadis

Cjacarin prin di dut dai nestrîs doi champions. Cemût ise lade? La grande sorse dal campionât al è stât Luigino Butazzoni, che al è rivât secont te cumbinade. Chê medaie di arint, che nissun no se spietave e che e je stade la uniche tal setôr dal schi alpin, al è il premi plui grant par ducj noaltris, atletis, tecnics e organizadôrs de scuadre taliane. In dutis lis garis, in dut cás, la nestre nazionâl e je rivade fra i prins vot cui siei atletis. Caterina Plet e je rivade VI tal Slalom zigant e VII tal SuperG. Par solit, i schiadôrs furlans a jerin plui numerôs, ce isal sucedût? Al è sucedût che, par motîfs economics e organizatîfs, o vin podût puartâ in France dome sis atletis. Fin tal ultin, al riscjave di restâ cjase ancje il nestri Luigino, ma jo o ai pretindude la sô partecipazion e ben o ai fat. **Parcè podêso di che une medaie sole al è un grant risultât?**

Parcè che il mondiâl di chest an al à vût un nivel une vore alt. Tal schi alpin, a an concorût cuarente trê atletis di nûf paîs (Austrie, Australie, France, Gjapon, Italie, Republiche ceche, Russie e Spagne), ducj une vore preparâts e fuarts. No stin po a dismenteâsi che doi dai nestrîs fruts no an cjapât une medaie dome par colpe di un "salto porta" malandret. Ancje tal schi nordic, i atletis a jerin su la trentine e li la Italie e à concuistât l'aur te 5km techniche classiche cun Caterina Picler di Sterzing (Vipiteno). **La scuadre taliane jerie avonde preparade?** Magari cussì no, si à podût fâ dome un incuintri di preparazion di trê dis, te Val Ridanna, vie pal mês di Dicembar. Par fortune, in grazie dal grant sacrifici dai lôr gjenitôrs, o ai podût preparâ jo Luigino Butazzoni e Caterina Plet intant des fiestis di Nadâl e po, dôs voltis par setemane, par dut il mês di Zenâr, rivant a fâ un ale-

nament in di te ultime setemane prin des garis. **Cualis sono lis scuadris plui fuartis dal setôr?** Gjapon e Republiche ceche, ma ancje la France e à fat un figuron e po la atlete australiane. **Il campionât isal stât organizât ben?** Ancje se par colpe dal timp no vin podût fâ lis garis a Vencors, ma si à scugnût lâ a Autrans, la organizazion e je stade pardabon buine. Si à scugnût lavorâ un grum, ma la colaborazion dal "staff" tecnic e je stade grandone. I delegâts di ducj i paîs i an fat i compliments aes scuadre taliane, pe nestre serietât e pe nestre puntualitât. Cun di plui, o vin fat un figuron ancje cu lis divisis gnovis. **Vêso cjapât un premi speciâl, no?** I nestrîs fruts, cu la sô ligrie e cu la sô simpatie, a an meretât l'unic premi riservât aes scuadris, al ven a stâi il premi Fair-Play.

A sorprese Luigino Butazzoni di Davâr al rive secont tai campionâts mondiâi. Un belanç de nestre partecipazion in cheste interviste cul diretôr tecnic Inas-Fid, Riccardo De Infanti

Isal stât complicât preparâ i percors pes garis? La colaborazion cul traciadôr Arnoud Delcant e cul delegât Ffs Philippe Fraisse e je stade perfekte.

Cuâl isal stât il fat plui simpatic de spedizion? O vin vût un acet speciâl di ducj, ma un rapuart straordenari e comovent al è nassût cui volontaris, stant che tancj di lôr a jerin di divignince taliane. Cun lôr, emigrants o fis di emigrants, si sin sintûts come a cjase. Lant e tornant, po, o vin vût la occasion di fermâsi te caserme dal Centro di addestramento alpino di Courmayeur. Nus an garantît un tratament speciâl e i ai agrât a Alberto Stella, che al à organizât chê ospitalitât splendide.

Dal pont di viste tecnic, ce indicazioni vêsso vût di chest campionât? Cui delegâts di ducj i nûf paîs in gare o vin podût confrontâsi une vore, resonant massimementri su lis modificis che a coventin tai regolaments. Il gno servizi di diretôr tecnic Inas-Fid al è un grum preseât, si che al è cressût il lustri internazionâl de Italie.

Cumò la partecipazion dai atletis cun disabilities intelteive relazionâl aes Paralimpiadis ise plui dongje o plui lontane? Ducj i delegâts a an cjapât sù l'impegn di stiçâ lis federazions nazionâls par che i domandin al Ipc (International Paralympics Committee) di vierzinus lis puartis. Tal mês di Jugn di chest an o spietin la rispueste tant bramade.

LUCE NAZZI

Sucês dai rapresentants des societâts Timaucleulis e Fornese ai mondiâi master di Vancouver



Di çampe, Olivo Antoniacomi, Luigina Menean e Gian Paolo Englaro

Dopo i fastidis de trasferte che e je durade ben 3 dis, cause anulament dal svol diret par Vancouver e la rivade dai schis in extremis pe

Master di schi di font a Sovereign Lake in Canada, si è concludude cu la otave posizion di Luigina Menean (Polisportive Timaucleulis)

Il schi cjargnel tant che il vin: plui al invece plui bon al è

Inte serade dal 6 di Març, ore taliane, lis primis medaie: aur par Gian Paolo Englaro e bronç par Olivo Antoniacomi inte 30 km a techniche classiche mass start. I atletis a an passât doi zîrs di ben 15 km. E za al passaç intal stadi, Englaro al vuidave la gare intune cul todesco Otto Steffen, il fondist de Timaucleulis al travuart al è rivât a distanzâ l'avversari di 2 minûts e 30 seconts. Za sincirade la tierce place par Antoniacomi intal prin zir: di fat l'atlete de S.S. Fornese al veve un bon margjin su chei daûr e al à sie-rât cuntun intart di 3 minûts. Inte tierce zornade di garis, Gian

cont titul mondiâl dal 2011 inte 10 km a techniche classiche cun partence in linie. A coronâ la grande zornade dal atlete de Timaucleulis, la seconde posizion di Olivo Antoniacomi, de Fornese a sô 11 seconts di Englaro. La medaie di bronç e je lade al todesco Steffen (za arint ir) che al à rilevât un intart di sô 18 seconts dal vincidôr. Stesse distance e techniche ancje in cjamp feminin dulâ che Luigina Menean e à otignût la seste posizion. Lis temperaduris fredis che si passin ator ator di mancul 10 grâts a son fatis ancjemò plui becents de umiditât costante che no si dislontane dal 80-90%; ma i atle-

scioline just par chestis cundizions cussì diviersis des pistis talianis e in particolâr cjargnelis che a son usâts a frecuentâ.

Ai 9 di Març, la ultime medaie di aur pai fondiscj cjargnei cheste volte te stafete 4x5 km. Gian Paolo Englaro e Olivo Antoniacomi a an schiat lis frazions in techniche classiche vudagnant daurman la prime posizion che i compagns Domenico Invernizzi e Guido Masiero a an mantignût in techniche libare puartant il vantaç ae fin a 1 minut e 33 secont sui Usa.

Cumò si spiete la 45 km a techniche classiche. Altris medais daûr a rivâ?

FEDERICA BULLIANO